



ქალაქ ფოთის მუნიციპალიტეტის საკრებულო



განკარგულება № 15/57

2020 წლის 27 აკვისტო

ქალაქი ფოთი

ქალაქ ფოთის მუნიციპალიტეტში, რუსთაველის რკალი №20 (წმინდა გიორგის ქუჩის მხრიდან) მრავალბინიანი საცხოვრებელი სახლის ფასადზე საზოგადო მოღვაწეების რესპუბლიკის დამსახურებული ინჟინრის, ღირსების ორდენის კავალერის, ქალაქ ფოთის საპატიო მოქალაქის გივი თეოფილეს ძე ხომერიკის და რესპუბლიკის დამსახურებული პედაგოგის, ღირსების ორდენის კავალერის, იაკობ გოგებაშვილის სახელობის მედლის მფლობელის, ფოთის საპატიო მოქალაქის ციალა ვარლამის ასულ კართხიას მემორიალური დაფის განთავსების შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის საზოგადოებრივი სათათბიროს 2020 წლის 19 ივნისის №5 წერილის საფუძველზე, ქალაქ ფოთის მუნიციპალიტეტის მერმა (გ.კურდღელია) მომართა საკრებულოს და ითხოვა ქალაქ ფოთის მუნიციპალიტეტში, რუსთაველის რკალი №20 (წმინდა გიორგის ქუჩის მხრიდან) მრავალბინიანი საცხოვრებელი სახლის ფასადზე საზოგადო მოღვაწეების რესპუბლიკის დამსახურებული ინჟინრის, ღირსების ორდენის კავალერის, ქალაქ ფოთის საპატიო მოქალაქის გივი თეოფილეს ძე ხომერიკის და რესპუბლიკის დამსახურებული პედაგოგის, ღირსების ორდენის კავალერის, იაკობ გოგებაშვილის სახელობის მედლის მფლობელის, ფოთის საპატიო მოქალაქის ციალა ვარლამის ასულ კართხიას მემორიალური დაფის განთავსება.

ქალაქ ფოთის მუნიციპალიტეტში, რუსთაველის რკალი №20 მრავალბინიანი საცხოვრებელი სახლის ბინათმესაკუთრეთა აშხანაგობა 2020 წლის 10 ივლისის №9 სხდომის ოქმის შესაბამისად, თანახმაა განთავსდეს ზემოხსენებული მემორიალური დაფა.

თვალსაჩინო ისტორიული პიროვნებების, გამორჩეული საზოგადო მოღვაწეების, ქვეყნისა და ერის წინაშე განსაკუთრებული ღვაწლის მქონე პიროვნებების: გივი თეოფილეს ძე ხომერიკის და ციალა ვარლამის ასულ კართხიას სახელის ხსოვნისა და უკვდავყოფის მიზნით მიზანშეწონილია, ქალაქ ფოთის მუნიციპალიტეტში, რუსთაველის რკალი №20 (წმინდა გიორგის ქუჩის მხრიდან) მრავალბინიანი საცხოვრებელი სახლის ფასადზე განთავსდეს მემორიალური დაფა.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის მე-3 პუნქტის შესაბამისად, თუ ეს კანონი ან საქართველოს კანონმდებლობა არ განსაზღვრავს მუნიციპალიტეტის საკუთარი ან დელეგირებული უფლებამოსილების განხორციელებისთვის პასუხისმგებელ მუნიციპალიტეტის ორგანოს, აღნიშნულ უფლებამოსილებას ახორციელებს მუნიციპალიტეტის საკრებულო ან მუნიციპალიტეტის საკრებულოს დავალებით – მუნიციპალიტეტის მერი.

აღნიშნულიდან გამომდინარე:

მუხლი 1.

1.თვალსაჩინო ისტორიული პიროვნებების, გამორჩეული საზოგადო მოღვაწეების, ქვეყნისა და ერის წინაშე განსაკუთრებული ღვაწლის მქონე პიროვნებების: გივი თეოფილეს ძე ხომერიკის და ციალა ვარლამის ასულ კართხიას სახელის ხსოვნისა და უკვდავყოფის მიზნით ქალაქ ფოთის

მუნიციპალიტეტში, რუსთაველის რკალი №20 (წმინდა გიორგის ქუჩის მხრიდან) მრავალბინიანი საცხოვრებელი სახლის ფასადზე განთავსდეს მემორიალური დაფა.

2. აღნიშნული განკარგულების შესრულებასთან დაკავშირებით ქალაქ ფოთის მუნიციპალიტეტის მერმა (გ.კურდღელია) გაატაროს ღონისძიებები საქართველოს კანონმდებლობის შესაბამისად.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია ხელმოწერისთანავე.

საკრებულოს თავმჯდომარე



[Handwritten signature]

ბექა ვაჭარაძე